

Усна тускар

Хөбнэ цогц-махмудин 37-50 процентнь усн болдмн. Тегэд хөн мал усн уга баяаг чадн уга. Ус алдхларн, хот алдс-нас түргяр үкдмн. Тиим учрар, хөбнд усн дегд ик чинртэ болдг. Усн элвг, сән болхла, хөн амрад, ясрад баяадмн.

Ниди джил „Луговой“ совхозд худгуд татг болад, дакад хө услгьнд кергтэ зер-зев, ус зөбх бочк, тергн татгн ашд—хөн болгьнд сууткдан арагидж гурвагьад литр ус бгчав. Багь гихдән сууткдан 12 литр ус уухин ормд 3-хн литр ус амссн хөн зуна халунд ягьна гинят?

Халун өдр шоогьад зогсджах хөд нег минутд 180 шаху амсхцхәнэ, зүркнь 110 күрч цокна, цогц махмуднь болхла—41 градус күрч хална, талдар келхлә, ханьгьадж эс услхла, хөн цаньгьад үкдж одмар хална. Тегэд зунн халун өдрмүдт хө хярүллгьн дегд ик даалгьврта.

Тер учрар хамгин түрүн бо-

лдж, хөн суудрлх сег эрк-биш кех кергтэ, эс тиигхлә киити ус уусн хөд царцад, оошгнн гем ирдмн. Зуна цагт хө услгьна ним зокал гаргьдж болхмн: негдвэр—өдртән 3-4 дэ-кдж хө услх, хойрдвар—өдртән багь гихдән хөн болгьнд 12 литр ус уудг болдгар, дакад болхла—усна температу-рнь 15.—20 градус булән болх зөвтэ.